

DEO OPT. MAX. VNI ET TRINO, VIRGINI DEIPARÆ
ET SANCTO LVCE ORTHODOXORVM MEDICORVM PATRONO.

QVÆSTIO MEDICA

CARDINALITIIS DISPVATIONIBVS MANE DISCVTIENDA
IN SCHOLIS MEDICORVM DIE IOVIS XIX. FEBRVARII.

M. LANCELOTO DE FRADES Doctore Medico moderatore.

An sanitas firma seruat quæ à pluribus obseruatur?

910

MELIVS est esse quam non esse, ideo natura conseruationis suæ præsidia haud negligens, dum generatione specierum immortalitati, & indiuiduorum, si fieri posset, incolumitati sempiternæ sanitate consuluit, perfectissimum aliquid, sed impossibile vel momentaneum exoptauit; Illud semper intendit, hoc vehementer amplectitur, In cuius tamen possessione nondum confirmata, sed externis & domesticis iniuriis exposita hostiles manus experitur, nonnumquam & plures casus; Quibus vitur necessario, ab iisdem iugulatur; dum vacuum fugit, repletionē opprimitur, ignara mediocritatem in omnibus semper esse optimam: sic propriis sumptibus edocta, quid non molitur? cunctis rebus appetitum, bellus instinctum, hominibus rationem & artem quibus malum fugerent & bonum prosequerentur concessit. Ista naturalis partium omnium constitutio, in quâ nec doloribus cruciamur, nec in vitæ actionibus impedimur sanitatis nomine appellanda venit, estque non ipsarum qualitatum proportio, sed virtus & affectio ex eadem emergens, quam in subiecto diutius conseruat sex rerum non naturalium legitima administratio.

RÔBVR corporis sani in temperiē calidâ partium similiarium consistens, ex nervorum duritie, Articulorum & ligamentorum *viscositate*, exactâ compositione, spirituum vbertate, tenuitate, humorum stabili consistentiâ, & principum animalis parenchymatum soliditate dependens, quia difficile mutatur, facili negotio conseruatur; ad frigidam affectionem minus vergens, promptius & sine labore recuperatur, similibus conseruatur, vt contrariis curari solet; Calorem habet comitem, vitæ & sanitatis fontem ac fomitem, à quo actionum integritas, raritas corporis, fetentorum concoctio, excrementorum euacuatio, nec non sensuum omnium vigor simul & actiuitas oriuntur: si coniunctam admiseris siccitatem humore & frigore contemperatam, vt externis insultis minus obnoxium corpus, sic firmius & robustius demonstrabis. Hæc contemplanti non communis modò, sed propria ciuilique natura explorata esse debet.

NON omnia possumus neque noscimus omnes; vita vniuersiusque brevis, præcepque occasio improbos hominum labores eludit sæpè, vnius sensus pluribus intentus non valet ad plurima, & natura licet omnibus æquissima quod vni concessit alteri denegauit; quod paucis inesse voluit, ciuili societatis & vtilitatis gratiâ, pluribus impertiuuit: hinc illi artifices ac fideles ministri, qui iudicii maturitate, & rerum multarum peritiâ acuta mortis iacula retundunt, & valerudinem nutare non sinunt, quia nimirum multiplici obseruatione & velut partitis viribus; hic Solis & Lunæ motus, lumen, influxus sanitatis optimæ causâs conseruatrices contemplatus; Ille climatium, zonarum, regionum, locorum naturam, singula singulis accommodant haud neglectâ tempestatum & ventorum cognitione, quorum salubris aptatio & vsus vt nautis ad regendam nauim, sic & Medicis ad sanitatem tuendam non minimùm prodest.

CIBVS & potus vnâ cum aëre triplicis nostræ substantiæ effluuium restaurant, nouit hoc Medicorum quouis bene consultum generi humano foret si eorum quantitatem, qualitatem, & vtendi modum æquè exploratum haberet. Omnibus quoque notum solidiorem cibum præstare ad nutritionem liquido & spirituosio; vires conseruare alimentum *ωρεμον & πολυτροφον*, calidum moderate, sic crassum & glutinosum. At suilla carnes molem corporis non robur augent; Perdicum, Turcorum, & autum montanarum mentis acumen non corpus roborant. Apagè Zythum, aquam piscibus relinquant; præstat vinum moderatè sumptum, album si miam dixeris non repugnabo, id sanè tantò gratius, quantò corpori nutriendo rubrum idoneum magis; meraciòri si parcas, Veneri vel somnò non indulgèas, neque frigidâ caput abluas, mentis & rationis compos eris.

QVISQVIS seipsum nouerit solius Medici sedulò & amicè coniurantis adminiculo, vnâ & peculiari naturæ motu ferri poterit ad ea quæ sanitati conseruandæ ad vniuersum respondeant. Is autem si longâ rerum vt & annorum experientiâ doctus fuerit, prudenter monebit quibus delectetur, augeatur, seruetur cibis, potionibus, locis, aëre, motu, quiete, somno, aut à quibus lædi possit; quid amicum & familiare, quid exosum & inimicum haberi debeat docebit; nauscam si figere mouere pitisanam, aliis gratissimam, ova, poma, silymbrium, vinum stomacho insensibilissima, quæ ferè omnes in deliciis habent: Mâhna in bilem facessere, quod pluribus alium potenter soluit: enematis iniectionem facillè admittere qui à suppositâ glandè animi deliquium patiatur. Paucis complectar, sicut præcellentem Medicum in multis hæere interdum ac dubitare contingit, ita collegarum studia & rationes non iniquo animo feret, quorum nonnulli, dum probat ille temperiem similibus conseruabit, eandem contrariis à leui excessu vindicent: alij varias ætatum & anni tempestatum mutationes contemplantur, dum diuersam victus rationem illis præscribit: alij gratissimo assuetudinis imperio famulantur, dum is mutationem repentinam naturæ inimicam spectare & cauere studebit.

Ærgo sanitas firma seruat quæ à pluribus obseruatur.

F.M.P.
BIBLIOTHECA

355

Proponebat Lutetiæ IOANNES FORESTIER Parisinus, A. R. S. H. M. DC. XLIII.